

## Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati  
Ac Religiosissimi viri, Carthusiae Coloniensis ante annos  
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

De Sanctis

**Landsberg, Johannes Justus**

**Coloniae Agrippinae, Anno M.DC.XXX**

De charitate S. Catharinæ, & quibus rebus perucniatur ad amorem Dei.

[urn:nbn:de:hbz:466:1-47060](https://nbn-resolving.de/urn:nbn:de:hbz:466:1-47060)

IN FESTO S. CATHARINAE VIRGINIS.

657

ut operam, ut exemplum dedit nobis, humilians se usque ad mortem, mortem autem crucis, ut hanc nobilissimam suo in corpore sanctificaret virtutem, & per eam suos imitatores in regno sublimaret cælorum, Luc 14. 18  
Quicunque enim se humiliat exaltabitur, instar huius glorioissimæ ac intemeratae semper virginis Mariæ, quæ per hanc virtutum omnium Dominam in regno dilecti ac benedicti Filij sui exaltata & sublimata est, & perpetuo cum dilecto suo Filio Domino nostro IESU CHRISTO exultabit gaudio. Qui cum Patre & Spiritu sancto viuit benedictus in omnibus æternum, Amen.

IN FESTO DIVAE CATHARINAE REGINÆ, virginis & martyris & sponsæ Christi, Paraphrasin in Epistolam & Exegesin in Euangelium require in festo videlicet diuina Barbaræ virginis & martyris.

SERMO IN EODEM FESTO.

*De charitate sancte Catharina, & quibus rebus pertinet ad amorem Dei.*

Felicite me floribus, stipate me malis: quia amore langueo. Canticorum primo. Illustrissima virginis martyrum insigne diem hunc, ut nostis dilectissimi, illustrat: cuius quanta sit in Ecclesia catholica celebritas, quanta meritorum excellentia, quantus honor in cælis, si enarrare velimus, ante deficit nos tempus & vires quoque, quam quicquam tanta virgine dignum praestemus. Puto equidem & piè sentio in ignitorum illorum spirituum, quos scriptura Seraphim appellat, miro hanc Esaie 6. virginem sacratissimam fulgere lumine, & incomparabili ardore, amore ac perfectissime iam suo dilecto perftri, quem mortali etiamdum induita corpore tanto amoris æstu ac desiderio concupiuit, ut quamvis carne inter homines degere videretur, spiritu tamen toto versaretur in cælis, inhians sponsῳ suo. Potestis in Canticis Salomonis agnoscere dictum in persona illius: *Felicite me floribus, stipate me malis: quia amore langueo.* Multos quidem inuenias, licet qui Deum ament, quosdam etiam, licet pauciores, qui præ Dei amore cuncta contemnant. Porro qui Dei amore languageant, paucissimos sanè reperi est. Talis amor propriè perfectorum est. Catharinae sanctæ amor erga sponsum suum. Olim dum adhuc gentilissimi erroribus virgo Catharina implicita tenebatur, frigidum gerebat pectus erga creatoris sui amorem. Ast ubi coepit suum Cant. 1. nosse Deum ac Dominum suum, felicissima mutatione repente alia eff. &c., quantus exarsit purissimo & castissimo in Deum charitatis affectu & ardore, ut præ desiderij vehementia planè angueret, ac deficeret. Ind. mox cœpit omnem alienum execrari amorem, omnem à corde suo rerum visibilium speciem excludere, adeo ut iam lux ipsa & forma quotidiane fastidio illi essent.

oooo

essent.

essent. Enim uero sancta quadam & laudabili superbia ex ipso, quo flagrabit Dei amore, cōcepta, nihil iam amare, nihil vel aspicere volebat, prae vnum omnipotentissimum, sapientissimum, opulētissimum, pulcherrimum, suauissimum, optimum Deum sponsum suum. Dicebat quotidie anima sua: Quid tibi cum his visibilibus commerci est? Cur tandem illiste oblectare velis, quæ sunt homini cum brutis communia? Esto pulchra sint, delectabilia, sensibus plausibilia sint quæ offert hic mundus sublunaris: ecquid tandem habent simile pulchritudini & amabilitati illius, qui est autor & opifex omnium? Si in vestigio, si in umbra, si in nutu quodam & odore tantavis inest, ut ad sui amorem animos rapiant tanta importunitate, cum tamen multo plus habeant sellis adiunctum atque mellis, quid quæso de illo sentiendum est, ex quo cuncta tanquam ex suo fonte & origine profluxerunt? Cuius nimirum ineffabilis efficacia, dignitas immensa, amor suauissimus, coniunctus iucundissimus, praesentia optatissima, benignitas liberalissima est. Ille totam me habeat, cuius charitate vulnerata sum, qui me sibi ex omnitemitate elegit, cui me semel totam dedidi. Fateor magna est pulchritudo in formis hisce corporeis, quæ nostris quotidie sensibus obisciuntur, exaptissima membrorum compositione & mirifico contextu, ipsoq[ue] coloris & lucis grato decore: ingens item pulchritudo est in numeris, sonoris arque canoris, pulchritudo in illis qua tangendi, qua gustandi, qua olfacti sensu percipiuntur. Sed habent ista tamen certos, eosq[ue] angustos limites suos. Deus autem meus, unicus sponsus & amator meus, tota spes & gaudium meum, summum & præcipuum bonum meum pulchritudinem, dignitatem, honestatem, amabilitatem habet infinitam: cuius confixa sum iaculis suaviter ardentibus, & fine dolore vulnerantibus: quem amare fructus sumimus est, summa nobilitas, suavitatis incomprehensibilis: qui ad interioris hominis mei aures iugiter personat: Cum mūdo isto præsens, absens vt sis volo: Dies noctesq[ue] ames me, me desideres, me somnies, me expectes, de me cogites me spes, me te oblectes, mecum tota sis, meus fac sis postremo animus, quando ego sum tuus. Ita nimirum dilectissimi totam sibi vendicarant hanc venerandam & admirabilem virginem Christi flagrantissimus amor, qui non sinebat eam aliud cogitare quam Christum, qui in ea mundum omnē penitus extinxerat. De quo licet possent multa adhuc auditu iucunda referri, tamen quia plerique adhuc longè ab hac perfectione absimus, omnis in terim hisce sublimibus, & quæ vita nostræ mensuram excedant, de illis potius loquamur, quæ nos huc tandem perducere queant. Non omnium est perfecti amoris effectus capere: sed tamen omnium est eo niti, ut quandoq[ue] eam duo in possint perfectum amorem adipisci. Quo sāne vt mihi videtur, duo quadrupedo decem-hanc mediocriter promouent, eos præseruum, quorum adhuc angusta & fæcia sint.

**Iacob.**  
**Amoris Dei**  
studiosus que-  
dam duo in possint perfectum amorem adipisci. Quo sāne vt mihi videtur, duo quadrupedo decem-hanc mediocriter promouent, eos præseruum, quorum adhuc angusta & fæcia sint.  
tenuis est virtutum suppeller, & qui se primum Deo dederunt, cupiuntq[ue] relictis viatorum tenebris, veræ luci, quæ Christus est, inhærente. Illis ergo vel maxime contulerit primo quidem studere agendæ pœnitentiaz: deinde diuinorum beneficiorum sedula commemoratione ad serenioris cuiusdam & tranquillioris conscientiaz lucem aspirare, donec tandem paulatim ad plenam perfectamque perturbationum omnium exturbationem,

Dico.

Deo fauente pertingant, & Christi perfecto amore inflamentur. Et ut nouerint eiusmodi quenam sibi proponere debeant, unde salubri dolore compunganrur, pauca nos hic recensehimus.

Itaque, qui peccatis deditus fuit, cupieque redire in gratiam cum Deo, volenti redibre quotidie ea quae subiungimus sibi ob oculos reducer, de singulis ex animo re cum Deo dolens ac ingemiscens. Primum est, amicitia Dei amissa. O quanta hic occurrat materia acerbissime dolendi! Quid est enim Dei amicitiam perdidisse, nisi seipsum vita priuasse? Vita enim animae Deus est, cuius qui a se exclusit amicitiam, viram quoque suam excluderit necesse est. Si autem licuit ethico illi dicere, sole merito mundo tollere videntur, qui amicitiam est vita tollunt, qua a diis immortalibus nihil melius habemus, nihil iucundius, quid de violata veri Dei amicitia sentiendum est? Doleat ergo peccator se sua iniustitate Dei amicitiam repulisse. Secundum est, bonitas Dei contempta. Quid benignius, quid ad benefaciendum, ad ignoscendum, ad gratificandum promptius illa clementissima summi creatoris natura? Qui sic amat homines, tanquam ipsius salus ex illorum salute pendeat; sic curam gerit omnium & singulorum, quasi ipse bene esse non possit, filialis male sit. Et ram tantam eius bonitatem contemnit peccator vilis & indignus, quando sponte sua consentit in peccatum mortiferum. Tertium est, vita improba & scelerata. O si quis velit attendere, quantam unoquolibet peccato & sibi proenam, & Deo iniuriam, & creaturis Dei molestiam pariat, habebit certe unde totus solvatur in luctum acerbum & perpetuum. Vita mala tam est iniusta Deo, tam perniciosa ipsi homini & alijs, qui eius exemplis corrumpi possint, tam creaturis omnibus infesta, vt mirum sit non totum simul mundum insurgere in eum, qui vel semel ausus sit mortifero scelere commaculare. Quartum est temporis ac virium animae & corporis perditio. Qui enim peccat, non solum tempus perdit, quo nihil est praeciosius, sed etiam anima & corporis sui vires miserandum in modum eneruat. Mors enim animae, quae peccati consensu incurrit, non vacat magnis & multis, etiam corporis nocumentis. Imo vero plerique peccando ipsi sibi celeriorem asciscunt mortem, & morbos graues, vt alia multa præterea. Quintum est, violatio præceptorum Dei & Ecclesiæ ac superiorum. Nisi intolerabilis & execrabilis esset iniurias diuinis prauaricari leges, nunquam clementissimus Deus cui proprium est misereri semper & parcere, tam dira constituisset supplicia in eos qui non obtemperant iussis illius. Ipsa igitur iniurias immanitas intimo peccatore dolore conficiat, & ausus fuit Deu[m] immensè maiestatis, cui omnes creature summa debet obedienciam & reverentiam, sua improbitate offendere. Nec puer minus sibi esse dolendum, & Ecclesiæ & superiorum leges contempserit: quando conceptus ille omnis in Deu redundat. Sextum est, debilitas repugnandi aduersus vitia, item peccato & progrediendi in virtutibus. Potest id merito dolorem ingerere eneruerit vices peccatori, & culpa sua hanc contraxerit vel auxerit infirmitatem. Peccatum enim admidu eneruat vires hominis, vt iam ante dictue est, & quo crebrius repetitur, eo sit homo imbecillior. Quod vitia attenderet, qui se dicunt in astate senili penitente velle, cù tamen ea xtas ob mala consuetudinē vitæ superioris

0000 2 pen



Peccato quā  
nam orgli-  
gantur.

Peccator ut  
confuetudi-  
nem malam  
incurrit.

Peccator ut  
ingratius sit  
Deo.

Peccatum ut  
charitatem  
exungunt.

Peccato quā  
grauior Dei  
miserias of-  
fendatur.

Fiducia erga  
Dei miseri-  
cordiam quo-  
modo conci-  
piatur.

pene inepta sit ad agendum pœnitentiam. Septimum est, multiplex & magna laborandi, orandi, meditandi, legandi, sacras conciones aulcultandi, aliisque pietatis opera exercendi negligentia. Si quis bene perpendat nullum esse tam breue temporis punctum, quo non maxima quis possit apud Deum lucra sibi comparare, nonne ingentem habet mœrendi occasionem, quod non solum tanta neglexerit salutis suæ commoda, sed etiam interim male viuendo plurima sibi detimenta corporis & animæ attulerit? Totum hoc vitæ nostræ spacium ad agendum pœnitentiam & Dei gratiâ conciliandam datum est. Quod qui ad alios accommodat vsus, negligitq; ea, quibus poslit veniam & gratiam consequi qualia sunt, oratio, meditatio, operum bonorum sedula executio, atque id genus alia multa, miserimus est, quia stultissimus. Octauum est, consuetudo & velut habitus quidem & necessitas peccandi. Hac quisquis laborat mala scilicet consuetudine, is reuera miser & miserabilis est, ac omni lachrymarum fonte plangens. Doleat ergo acerbè, clamet ad Dominum, beatissimæ semperq; virginis Mariæ, & omnium sanctorum suffragia ambiat, alios quoque bonos homines sibi apud Deum precatores adhibeat, & pugnet acriter aduersus semetipsum, donec mala consuetudo meliori viuendi ratione & assiduitate frangatur. Principijs obsta, ait Poeta, sero medicina paratur, Cum mala per longas inualuere moras. Reuera morbus penè immedicabilis longa & inueterata peccandi consuetudo, Attamen nemo desperet. Christi pietas vincit omnem humanam malitiam & peruersitatem. Nonum est, ingratus, qua sèpius recidit in peccata remissa. Vulnera repetita ægrius curantur. Magna profectio ingratitudo, offendisse Deum, & illius benignitate veniæ esse consecutum, & tamen rursus crebro ad eadem perpetrandā mala reuerti. Lugeat ergo peccator, & iniurias optimi & dignissimi creatoris in seipso vilescat, firmitè animi propotum aduersus peccati iterationem. Decimum, charitatis extinctio cuiuslibet peccati lethalis perpetratione. Charitas efficit, ut cætera hominis bona Deo placeant. Vbi autem charitas abest, nihil esse potest gratum Deo, quantumuis grande sit & eximium. Quid igitur animi habere debet is, qui tam præclare se virtute priuauit? Perditur enim charitas, quoties consensus præbetur peccato mortifero. Amissa autem charitate, moritur anima, moritur etiam quicquid ab ea vñquam bene gestum est, aut geritur. Lugeat ergo peccator, & omni mora postposita, studeat amissam recuperare charitatem dolendo, confitendo, satisfaciendo. Undecimum est, omni timore reiecto, tam impudenter in diuinæ maiestatis praesentia multis & grauibus se sceleribus obstrinxisse. Pensiter istud maturè, ac diligenter, & totus horrore ac mœrore contrahetur, mirabiturq; non se iam pridem terra hiatu absorptum esse, vel dæmonum dentibus diserptum ob tantam omnipotentis Dei contumeliam. Ista charissimi mente deuota penitulanda sunt, & ad singula ingemiscendum. Verum, ne quis horum consideratione fiat pusillanimis & procliuis in desperationem, fiduciam quandam erga infinitam Dei misericordiam concepire debet. Ha autem comparanda est per diuinæ misericordiae sedulam implorationem, vitæ in melius commutationem, orandi assiduitatem, Dominicæ passio-

passionis deuotam commemorationem, & pro peccatis suis oblationem, pœnitentia austerritatem, honorum, voluptatum, vanitatum contempti-  
onem, sanctorum omnium, maximè beatæ semper virginis Marie & qui-  
bus speciali quis amore affectus est, inuocatiōnem, temporis vitē ac pro-  
uidam deductionem, propriæ voluntatis mortificationem, & diuinæ pie- Ezech. 8.  
tatis ac clementiæ contemplationem, quæ non vult mortem peccatoris  
quantumvis flagitosi, sed vitam & resipiscientiam.

Atque vbi his alijsquie modis nonnihil à vitijs purgatum se quis sense-  
rit, deinde liberiori quodam animo conferat se ad commemoranda & re-  
uoluenda Dei beneficia, nefi semper suis velic cogitandis peccatis immo- Beneficiis Dei  
rari, abiecto maneat & seruili quodam animo, qui nihil nisi timere & tre- qui nō rumi-  
pidare, ac Dei severitatem suspectam habere, nō pia erga Daum fiducia eri- nāda fiat.  
gi nōrit. Hic verò immensus sese sanctorum meditationum campus offert,  
vbi nullus possit exitus inueniri. Quis enim sufficiat Dei beneficia nume-  
rare, quis ea vel intelligere? Omnino hoc pelagus impenetrabile est. Quot Psalm. 2.  
ille nobis & quanta naturæ, quanta gratiæ dona contulit? Ex omni ater-  
nitate sumimè dilexit nos: cum non esset nos, condidit nos ad imaginem &  
similitudinem suam, nobiles nimirum, illustres, eximios, regis æterni fili-  
os, dominos omnium creaturarum (omnia enim subiecit sub pedibus no- Hebr. 1.,  
stris) & si perstissimus in obedientia, auxiliet in nobis dona sua. Nec ta- Philipp. 2.  
men etiam perditos deseruit nos, sed seipsum exinaniens, formam serui ac-  
cepit, vt serui perditæ pœnas ipse lueret, vt ingratitudinem erga se nostram  
in seipso vlcisceretur. Quid hac benignitate admirabilius? O cor saxeum, Odiū nostri  
quod ea non emollitur. Sed quid ego Dei beneficia hic enarrare molior? & amor Dei  
Vos ea ipsi charissimi vobiscum attentis cordibus recolite, & sitis gratiæ Deo. quæmodicū in  
nobis cies. Sit hæc vobis in hoc exilio etiam inter medias temporalium negociorum  
turbas occupatio, propria lugere peccata, & Dei beneficia grata mente per-  
pendere. Ita fiet, vt in vobis sensim crescat odium vestri, & amor Dei. Non  
potest sese odire, nisi qui sua ex animo peccata oderit: non potest amare  
Deum, nisi qui acceptis ab illo beneficijs gratum se præbere contendat. Non  
ita debetis charissimi rei familiari vel tuendæ vel augendæ esse dediti, vt  
non multo maiorem animæ vestræ curam geratis. Quicquid erga res terre- Catharinae  
nas solitudinis geritis, momentaneum est, & cum ipsa vita temporaria fi- S erga Ipon-  
nem accipit: sed anima immortalis est. Ergo illi potissimum inferuendum sum iuñ Christi-  
est. Potest vos, si attendere velitis, multum permouere admirabilis & pre- sum amor  
clarissimæ virginis Catharinæ exemplum, que licet esset regis filia, & inco-  
parabili corporis pulchritudine, animi sapientia, rerum affluentia se præ-  
ditam non nesciret, tamen hæc omnia cōtempserit præ amore sponsi sui Chri-  
sti Iesu. Nolebat animum suum rerum visibilium amore implicare, vt pos-  
set perfectius diligere Deum. Quotidie multa illi se ingerebant mundi ob-  
lectamenta, quæ vel fortissimos possent virorum animos frangere, tamen  
mansit immora, tanquam nihil horum ipsa sentiret: non ob aliud sanè, ni-  
si quod præsentia tanquam iam præterita despiceret, futura & semper man-  
fusa semper ob oculos haberet. Vnde siebat, vt semper animo compuncta,  
seipsum & mala sua plangeret, atque rursum ex Dei & futurorum contem- platio-

Amoris Dei  
efficacia  
quanta.

Sanctorum  
exempla in-  
spicienda.

Catharina  
philosophes  
louerat &  
Christo lu-  
cratur.

platione, cælestis amoris gratia perfusa, tota in Deum transiret. Nostis quam  
egerit cruentus ille carnifex Maxentius, vt eam vel blanditijs falleret, vel  
cruciatiibus superaret. Sed utrobicq; perseuerauit fortiter in Christi amo-  
re, nec blandis eneuata pollicitationibus, nec terribilibus concussa terrori-  
bus. Quod utique totum fecit amor Christi, qui eius peccatis ita sibi vindi-  
carat, vt nulli ad id aditus pateret hostili machinationi. Tanta est vis chari-  
tatis, tanta amoris diuini efficacia, vt cor illo præditum velut murus qui-  
dam impenetrabilis sit aduersus omnes quorum liber hostium insidias &  
machinationes. Hoc igitur fortiter inflammata beatissima Catharina, aut  
poenas corporis omnino non sensit, aut si sensit, Christi contemplatione  
contempnit. Amor Christi omnem in ea priuatam amorem inordinati  
timoris parentem, penitus extinxerat. Quod itaq; non poterat iam se ana-  
rensi in Christo, nec timebat quicquam, nisi quod ea posset separare a Chri-  
sto. O verè præclarum virginem, quæ inter nuncantes illas supernæ Ierusa-  
lem stellas mirifico fulget lumine, totamq; Ecclesiam gratissimo respurgit  
odore insignium meritorum suorum. Quam imitari virtutis est, in quam  
eou speculum intueri debent, quoque inter huius fallacis mundi tentatio-  
nes velut in procellosissimi maris fluctibus iactatur. Ab ea enim facile didi-  
cerit, vt se habere debeat, qua cōstantia adhædere Christo, mundum contem-  
nere, seipsum vincere, dæmonibus reluctari, & in agnita veritatis via per-  
sistere. Quis enim non summo sibi putet probro ac dedecori fore, si le-  
nat à virtutis superari, quando oculis fidei cernit virginem, regijs ornatum  
natalibus, & omnibus rebus bonis affuentem, tamen nullis neque blanditijs,  
neque supplicijs adduci potuisse, vt vel paululum à iustitia deflectere?  
Iam verò quid non admirationis, quid non laudis, quid non maiestatis ha-  
bet, quod tanta eam Spiritus Domini Iesu sapientia impluit, vt quinqua-  
ginta celebres ac doctissimos superarit Philosophos, quibus nemo posset  
equiparari? Hoc utique totum fuit diuini munieris: totum id fecit spiritus  
Christi, qui in illa virginie loquebatur, & per eam de tot præclaris, egregi-  
jsq; viris triumphabat. O iucundum spectaculum, & caffissima voluptate  
refertum, videre virginem teneram, delicatam, verescundam, mansuetam,  
humilem, cum tot, tancisq; viris concertantem, ex illis victoriarum palmā re-  
ferre: sic omnium confutare rationes, argumenta dissoluere, machinare  
lidere, denique ora penitus obstruere, vt non possint ultra se cohíbere, quin  
manibus & pedibus in virginis sententiā abirent, atque à virginis supera-  
ri, Christo nomina sua darent, & qui prius summos professi magistros, per-  
plures docuerant, quicquid humano ingenio, arte & industria tradi potest,  
iam à virginē discerent prima fidei rudimenta, essentq; illius velut quidem  
catechumeni. Benedictus Deus Dei Filius, qui sponsam & martyrem suam  
tam insigni miraculo, tam eximio honore, tam rara ac inaudita virtute or-  
natuit. Quid interim charissimi putatis in illa cælestium ciuium beatissima  
frequentia gaudij, quid tripidi, quid gratulationis extitit, cum cernerent  
virginem pudibundam, moribus castam, animo & itissimam, sexu quidem  
fragilem, sed Christi virtute inuictam, ad Christi ouile traducere cor lupos,  
sed ex lupis in ques mutatos, atque ex ipsis lupi tartarei medijs fauibus ex-  
tractos

IN FESTO S. CATHARINAE VIRGINIS.

663

tractos? Nec tamen hos solos Christo lucrificet virgo sapientissima, sed ipsam quoque reginam Maxentij coniugem, & Porphyrium Principem militum cum alijs multis. Tandem ipsa illos tyranni gladio absumptos simili mortis genere secuta est, & nunc vivit vitam beatam, immortalem, omnibus delicijs abundantem, nullius indigam. Nec solum animæ hæc à Deo præstata sunt bona, sed & corpus illius maximo cum honore à sanctis Angelis in montem Sinai deportatum est. Videris charissimi, quam multa extent in hac virginē plena admirationis, & omni honoris & pietatis studio prosequenda. Confugiamus ergo ad illam, tauquam Deo coniunctissimam atque charissimam, & illius preces precibus & lachrymis ambiamus. Habet enim & id ubi à Deo concessum priuilegij, ut quisquis illam sedulo fuerit veneratus, felicem sit obitum impetraturus. Dum adhuc licet, tales nobis charissimi, in futuro tremendo Dei iudicio patronos conciliemus, quorum gratia nobis profit apud Deum, cui est omnis honor & gloria in secula seculorum  
Amen.

*Sermonum de Festiuitatibus Sandierius  
F I N I S.*



T. VI  
22



UNIVERSITÄTS-  
BIBLIOTHEK  
PADERBORN